



# მეშახტე

№18

კომპანიის სიახლეები / ჩვენი თანამშრომლები / ტყიბულის ახგები / იმერეთის სიახლეები / ღონისძიებები



## პარლამენტმა საკენსიო ასაკის ცვლილებასთან დაკავშირებული კანონპროექტი დაარეგისტრირა!

გვ.2

მაკა კობახიძე:  
“მეამაყება,  
რომ ერთი გუნდის  
წევრები ვართ!”

გვ.3



ტყიბულის  
მუნიციპალიტეტის  
თეატრი გრანკრის  
მფლობელი გახდა!

გვ.5



„საქნახშირში“  
მინი ფეხბურთის  
შიდა ჩემპიონატი  
მიმდინარეობს!

გვ.6







# პარლამენტმა საპენსიო ასაკის ცვლილებასთან დაკავშირებული კანონპროექტი დაარეგისტრირა!

მეშახტეებისა და მალაროელების საპენსიო ასაკთან დაკავშირებით კანონში ცვლილებების შეტანაზე საუბარი ჯერ კიდევ 2020 წლის არჩევნების პერიოდში დაიწყო. საუბარია იმაზე, რომ მეშახტეების საპენსიო ასაკი არსებულთან შედარებით 5 წლით შემცირდეს - მამაკაცებისთვის პენსიაზე უფლების წარმოშობის საფუძველი 60 წელი იქნება, ხოლო ქალების შემთხვევაში 55 წელი. აღნიშნული საკითხი მეშახტეებმა ბეჟან ნაქაძის საარჩევნო კამპანიის ფარგლებში გამართულ შეხვედრებზე წამოწიეს. მოგვიანებით, ეს თხოვნა საქართველოს პრემიერ-მინისტრის, ირაკლი ლარიბაშვილის „საქნაშირში“ ვიზიტის დროსაც გაუღერდა. 2020 წლის არჩევნების დასრულებისთანავე, ხელისუფლების მხრიდან მნიშვნელოვანი ნაბიჯები გადაიდგა - ხანგრძლივი მუშაობის შედეგად, საქართველოს პარლამენტმა საპენსიო ასაკის ცვლილებასთან დაკავშირებით კანონპროექტი დაარეგისტრირა.

მოგესხენებათ, ყველაფერი ფინანსებთან არის დაკავშირებული და შესაბამისად, სამუშაო პროცესი ძალიან რთული იყო. კანონპროექტში ყველაფერი დეტალურად უნდა ჩამოაყალიბო, დაასაბუთო. აღწერო რას როგორ გეგმავ და მიუთითო, თუ როგორ შეიძლება საჭირო თანხების მოძიება. უნდა გაითვალისწინო მსოფლიო პრაქტიკაც (ჩვენ სწორედ მსოფლიო პრაქტიკაზე დაყრდნობით შევქმენით ეს კანონპროექტი).

ძალიან მიხარია და მემამყება, რომ საბოლოოდ, კანონპროექტი დარეგისტრირდა. ზოგადად, კანონპროექტის დარეგისტრირების პროცესი ასეთია: მას წარადგენს დეპუტატი, შემდეგ გადის იურიდიულ დეპარტამენტში. თუ იურიდიული დეპარტამენტი დაეთანხმება რომ ეს კანონპროექტი კანონად იქცეოს, გადადის საპარლამენტო ბიუროზე და პარლამენტის თავმჯდომარე ამტკიცებს კოლეგებთან ერთად (ბიუროს ყველა წევრმა უნდა დაუჭიროს მხარი). მათ, რა თქმა უნდა, მხარი დაუჭირეს ჩვენს კანონპროექტს და კომიტეტებზე მოსასმენად გადაიგზავნა. სექტემბრიდან, საშემოდგომო სესიების დაწყებისთანავე, ჩვენი კანონპროექტის კომიტეტებზე განხილვაც დაიწყო. ძირითადად 4 კომიტეტზეა საუბარი: ჯანდაცვის, დარგობრივი ეკონომიკის, საფინანსო და ადამიანის უფლებების დაცვის კომიტეტზე. კომიტეტებზეც და პლენარულ სხდომაზეც კანონპროექტი სამი მოსმენით უნდა გავიდეს.

## ბეჟან ნაქაძე (ტყიბულის, თერჯოლის, მესტიას და ბაღდათის მაჟორიტარი დეპუტატი):

„ზოგადად, სამთო სფერო მძიმე და საფრთხის შემცველ სამუშაოდ ითვლება. სწორედ ამიტომ, „საქნაშირში“ მიმდინარე პროცესებს რეგულარულად და დიდი ყურადღებით ვეცნობი. ვხედავ, რომ შრომის უსაფრთხოებისა და სამუშაო პირობების გაუმჯობესების თვალსაზრისით სიტუაცია დღით დღე უმჯობესდება. შახტების რეაბილიტაციის პროცესი წინ მიიწევა და მართლაც ბევრი რამ გაკეთდა.



საარჩევნო პერიოდში შახტში გახლდით, მეშახტეებს სამუშაო ადგილზე მივაკითხე და პირადად გავესაუბრე თითოეულ მათგანს. შევიპირდი, რომ მათ სამართლიან სურვილს, მეშახტეების საპენსიო ასაკი შემცირებულიყო, განვხორციელებდი და პირველივე დღიდან დავიწყებ ამ საკითხზე მუშაობა. პრემიერ-მინისტრი დაპირდა, რომ გვერდში დამიდგებოდა და ამ კანონზე ვიმუშავებდით. ასე რომ, მისმა მხარდაჭერამ მნიშვნელოვანი როლი ითამაშა.

ძირითადი პროცესი, რაც ჩემზე იყო დამოკიდებული გავიარეთ - კანონპროექტი დარეგისტრირდა და ბიურომ დაამტკიცა. მზად ვარ, გადაწყვეტილების მიმღებ ყველა დაინტერესებულ პირს გავუძღვე მხართში და ადგილზე ვანახო მეშახტეების შრომა. თუმცა, დარწმუნებული ვარ, რომ ჩემიკოლეგები მხარს დაგვიჭერენ და 2023 წლიდან ეს კანონი უკვე ამოქმედდება. აქვე, მადლობა მინდა ვუთხრა საქართველოს პრემიერ-მინისტრს, ირაკლი ლარიბაშვილს თანადგომისთვის და მხარდაჭერისთვის.“

# N4 ნახშირმომპოვებელი უბნის თანამშრომლები ანაზღაურების ახალ სისტემას აფასებენ

გასულ თვეს, ანაზღაურების ახალი სისტემა სამთვიანი სატესტო რეჟიმით ამოქმედდა და პირველ ეტაპზე, მხოლოდ N4 ნახშირმომპოვებელ უბანს შეეხო. ის ფაქტი, რომ მნიშვნელოვნად მოიმატა დასაქმებულების ანაზღაურებამ, გაიზარდა მათი მოტივაცია და ამასთან ერთად, ქვანახშირის მოპოვება, ახალი სისტემის ეფექტიანობაზე მეტყველებს.



ერთხელ აღვნიშნავ, რომ ანაზღაურების ახალ სისტემაზე სატესტო რეჟიმში გადასვლამ გაამართლა - ხელმძღვანელობაც და დასაქმებულებიც ვიღებთ იმ შედეგს, რისი მოლოდინიც გვქონდა.“

**გიორგი ბახუტაშვილი (მეშახტე):**  
„ძალიან მომწონს ახალი სახელფასო სისტემა, ხელფასი მეტი ავიღე და ძალიან კმაყოფილი ვარ. უფრო მოტივირებული ვაგხდით, ვიცი, რომ შემიძლია მეტი ვიმუშავო და გაცილებით მეტი ანაზღაურება მივიღო, ვიდრე ადრე. ეს ჩემი ოჯახისთვის მნიშვნელოვანი შემოსავალია.“

**ხვიჩა ბოჭორიშვილი (მეშახტე):**  
„ძველ სახელფასო სისტემას ახალი სჯობს. რა თქმა უნდა, ხელფასი უფრო მეტია. მეშახტეებიც უფრო ორგანიზებულიები და მოტივირებულიები არიან. იმ სამუშაოების, რასაც ადრე ვასრულებდით, ახლა 300, 400, 500 ლარით მეტ ხელფასს ვიღებთ. ამჟამად ეს თითოეული ჩვენგანისთვის ძალიან მნიშვნელოვანია.“

**ოლეგ დარბაიძე:** „როგორც ხელმძღვანელი, ერთ-ერთი ინიციატივი ვიყავი, რომ N4 ნახშირმომპოვებელი უბანი ანაზღაურების ახალ სისტემაზე გადასულიყო. ეს არის ძალიან კარგი შესაძლებლობა, დასაქმებულებმაც და დამსაქმებლებმაც ნათლად დაინახონ რას აკეთებენ და რას იღებენ. ადრე, ჩვენი ანაზღაურება მოპოვებული ნახშირის რაოდენობით განისაზღვრებოდა. ახლა კი, ახალი სისტემის მიხედვით, ყველა სამუშაო განფასებულია (იქნება ეს გვირახის გაყვანა, მოსამზადებელი სამუშაოები, სარემონტო სამუშაოები, მოპოვება თუ სხვა). თვის ბოლოს ვაკეთებთ ანალიზს - რა რაოდენობის ნახშირი მოვიპოვეთ, ამისათვის რა სახის და რა მოცულობის სა-

მუშაოების ჩატარება დავჭრდა. შემდეგ, სამუშაო დღეებისა და კოეფიციენტების მიხედვით ვანალიზებთ სახელფასო ფონდს, რაც ბევრად სამართლიანი და გამჭვირვალეა.

ამჟამად, N4 ნახშირმომპოვებელ უბანში 80 ადამიანია დასაქმებული. ყველა ანაზღაურების ახალი სისტემით ვსარგებლობთ. ჩვენი თანამშრომლები თავადვე აღნიშნავენ, რომ უფრო გაუადვილდათ ამ პრინციპით მუშაობა. მეც, როგორც ხელმძღვანელი ვხედავ, რომ თანამშრომლების მოტივაცია გაზრდილია. დასაქმებულები თავად ითხოვენ, რომ ყველაფერი მონესრიგებული იყოს და არაფერმა ხელი არ შეუშალოს. ამან დადე-

ბითი გავლენა იქონია მოპოვების მოცულობის გაზრდაზე. ხაზი მინდა გავუსვა, რომ ეს ყველაფერი შრომის უსაფრთხოების წესების გაძლიერებული დაცვით ხდება. ჩვენ მივყვებით წესებს, აფეთქებისას გამოვდივართ უსაფრთხო ადგილებზე და არასდროს ვუშვებთ გამოწვევას.

თანამშრომლებს შორის მოტივაციის ამღვლელები პირდაპირი გავლენა იქონია ნახშირის მოპოვებაზე და რაც ყველაზე მთავარია, მნიშვნელოვნად გაიზარდა დასაქმებულების ანაზღაურება. კიდევ



# ჯემალ და გულჩინა ბოსვაძეები - დამსახურებული მეშახტეები და ქორეოგრაფები



ზეინკლად. ინსტიტუტის დასრულების შემდეგ ჯერ შახტის ბურღვა-ფეთქითი სამუშაოების უბნის უფროსი იყო, შემდეგ ვენტილაციისა და უსაფრთხოების უბნის უფროსი, სმენის ინჟინერი, მთავარი ინჟინრის მოადგილე და ღირექტორის მოადგილე წარმოების დარგში.

**ჯემალ ბოსვაძე:** „სამთო სფეროში 25 წელი ვიმუშავე. მთელი ამ დროის განმავლობაში უსაფრთხოდ, წესების დაცვით მუშაობისთვის ოქროს, ვერცხლის და ბრინჯაოს მედლები და სიგელები მაქვს მიღებული, ვარ დამსახურებული სამთო ინჟინერი. ცეკვას რაც შეეხება, სკოლის ასაკიდან დავიწყე, ვცეკვავდი ჩაქვის კულტურის სახლის ქორეოგრაფიულ ანსამბლში, ბათუმის რკინიგზელთა და ახალგაზრდულ ანსამბლში, ტყიბულის მეშახტეთა ანსამბლში. შახტში ვმუშაობდი და თან შახტის ახალგაზრდულ ანსამბლს ვხელმძღვანელობდი. ჩვენს ანსამბლს მაშინდელი საბჭოთა კავშირის თითქმის ყველა ქვეყნის ქალაქების დიდ თეატრებში აქვს გამართული კონცერტი, რაც ყოველთვის დიდი ოვაციებით სრულდებოდა. გარდა ამისა, ვცეკვავდით ევროპის ქვეყნებშიც. ვარ საქართველოს დამსახურებული ქორეოგრაფი პედაგოგი, ღირსების ამაგდარი, ბრწყინვალეების და რაინდის ორდენოსანი.“



ზის და ჯილდოს მფლობელი. ანსამბლში არაერთი ახალგაზრდა თაობა აღიზარდა და დღეს წარმატებული ქორეოგრაფები არიან, ბევრი ჩვენი მოსწავლე დღეს ცნობილ ანსამბლებში ცეკვავს.“

**გულჩინა ქარქაშაძე-ბოსვაძე:** „ტყიბულში დავიბადე და გაიზარდე. შემდეგ თბილისის 71-ე სკოლაში ვსწავლობდი. საქართველოს პოლიტექნიკური ინტიტუტი სამთო სპეციალობით დავამთავრე და მშობლიურ ტყიბულში დავბრუნდი.“

ტყიბულელმა ქორეოგრაფებმა, ჯემალ და გულჩინა ბოსვაძეებმა ცხოვრება საყვარელ საქმიანობას მიუძღვნეს და დაახლოებით 50 წელზე მეტია, წლებს წინ არჩეულ გზას მიჰყვებიან. მშობლიური ქალაქი მრავალჯერ ასახელეს როგორც ქვეყანაში, ისე მის ფარგლებს გარეთ გამართულ საერთაშორისო ფესტივალებზე. ქორეოგრაფიაში შეტანილი წვლილისა და ახალგაზრდა თაობის აღზრდისათვის წლების მანძილზე ბევრი სიგელი და დიპლომი აქვთ მიღებული. ცეკვის პარალელურად, წლების მანძილზე სამთო დარგშიც აგრძელებდნენ მოღვაწეობას და დამსახურებული მეშახტის ნოდებას მიიღეს.

81 წლის ჯემალ ბოსვაძე და 76 წლის გულჩინა ქარქაშაძე-ბოსვაძე დღემდე შემართებით აგრძელებენ ტყიბულში ანსამბლ „ოკრიბას“ ხელმძღვანელობას და ახალგაზრდა თაობის აღზრდას.

ჯემალ ბოსვაძის მამა რკინიგზელი იყო, ამიტომ საცხოვრებელი ადგილის შეცვლა ხშირად უწევდა. სკოლა ჩაქვში დაამთავრა და შემდეგ რიგაში, სამხელეთო საავიაციო სასახურში წავიდა. პარალელურად სამხედრო ანსამბლში ცეკვავდა.

ჯარიდან პირდაპირ მშობლიურ ქალაქს, ტყიბულს დაუბრუნდა. სწავლა საქართველოს პოლიტექნიკური ინსტიტუტის სამთო ფაკულტეტზე დაიწყო. პარალელურად, „ორჯონიკიძის“ სახელობის შახტზე მუშაობდა

ოჯახი 26 წლის ასაკში შექმენი. ჩემი მომავალი მეუღლე, გულჩინა ქარქაშაძე კინოთეატრში გავიყვანი, შეგვიყვარდა ერთმანთი და დავქორწინდით. გყავს 2 შვილი, 2 შვილიშვილი (1 გარდაცვლილი) და 3 შვილთაშვილი.

1995 წელს მე და ჩემმა მეუღლემ ტყიბულში ქორეოგრაფიული ანსამბლი „ოკრიბა“ დავაარსეთ, რომელიც დღემდე წარმატებულია და მრავალფეროვანი რეპერტუარით გამოირჩევა. არის სახვადახვა პრი-



შექმენით ოჯახი. ცეკვა მეუღლემ მასწავლა და ერთად გავაკეთეთ ქორეოგრაფიული ანსამბლი“ ოკრიბა.“ ცხოვრების რთულ გზაზე ერთად ბევრი წარმატება მოვიპოვეთ. წლების მანძილზე ბევრი კარგი თაობა აღვზარდეთ ტყიბულში და ისევ დიდხანს ვაპირებთ საქმიანობის გაგრძელებას. მადლობა ყველას, ვინც ჩვენს შრომას და ღვაწლს აფასებს, მადლობა ანსამბლის ყოფილ და ახლანდელ წევრებს და ულაღავი შრომისთვის და თავდადებისთვის. ამის დამსახურებაა, რომ ანსამბლს სახალხო ანსამბლის ნოდება მიენიჭა.“



## მაკა კობახიძე: “მეამაყება, რომ ერთი გუნდის წევრები ვართ!”

**„საქნახშირსა“ და მის თანამშრომლებს შორის შრომითი ურთიერთობების მართვას ადამიანური რესურსების განყოფილება უზრუნველყოფს. გუნდი, რომელიც უკვე წლებია ამ საქმეს უძღვება, კოორდინაციას უწევს კომპანიის ადმინისტრაციულ ფუნქციებს და უზრუნველყოფს გამართული კომუნიკაციის ჩამოყალიბებას, რაც, საბოლოოდ, კომპანიის საერთო პროდუქტიულობასა და შედეგებზე აისახება.**

ადამიანური რესურსების განყოფილებას მაკა კობახიძე უკვე 8 წელია ხელმძღვანელობს. განყოფილების სხვა თანამშრომლებთან - ნინო სოფრომაძესთან, ლალი ფორჩხიძესთან და ნინო გლოველთან ერთად, მას უამრავ გამონვევასთან გამკლავება უწევს. ყოველდღიურად, 1300-მდე დასაქმებულისთვის საჭირო ინფორმაციის დროულად მიწოდება, მათი დახმარება და მიმდინარე საქმეების მართვა ამ განყოფილების მთავარი ფუნქციაა.

მაკა კობახიძემ ილიას სახელმწიფო უნივერსიტეტი ბიზნეს ადმინისტრირებისა და მენეჯმენტის მიმართულებით დაამთავრა. რამდენიმე მსხვილ კომპანიაში სტაჟირების გავლის შემდეგ ტყიბულს დაუბრუნდა. ჯერ ბანკში, შემდეგ კი „საქნახშირში“ დაიწყო მუშაობა.

**მაკა კობახიძე:** „საქნახშირში“ 2014 წელს, გენერალური დირექტორის თანაშემწის პოზიციაზე მოვედი სამუშაოდ. ამ ადგილზე მუშაობით ძალიან მნიშვნელოვანი გამოცდილება მივიღე, გამეგო კომპანიის არსი და მისწრაფებები. გარდა ამისა, ვმუშაობდი სხვადასხვა პოზიციებზეც. 2018 წლიდან დღემდე კი ადამიანური რესურსების მართვის განყოფილების უფროსი ვარ. ჩვენს განყოფილებას ყოველდღიური საქმიანობის კავშირი აქვს ყველა დასაქმებულთან. მე და ჩემი თანამშრომლები შეთანხმებულად და ყოველთვის გუნდურად ვმუშაობთ. ცვდილობთ, ხარისხიანად ვაკეთოთ საქმე, არავინ დარჩეს უკმაყოფილო და ყველამ მიიღოს ამომწურავი ინფორმაცია მათთვის მნიშვნე-

ლოვან ყველა თემაზე. ასევე, მუდმივ კავშირზე ვართ კომპანიის ხელმძღვანელობასთან. ვიტყვდი, რომ ჩვენი განყოფილება არის მუამავალი დასაქმებულებსა და ხელმძღვანელობას შორის.“

უკვე რვა წელია დღის მნიშვნელოვანი ნაწილს ამ სამსახურში ვატარებ, ჩემს საყვარელ ადამიანებთან ერთად. კომპანიის არსი და მიზანი დიდად მნიშვნელოვანია ჩვენი რეგიონისთვის.“



რეგიონის განვითარებისა და ხალხის კეთილდღეობის გარანტი. ჩემთვის ტყიბული და „საქნახშირი“ განუყოფელი ნაწილია, ისინი ერთმანეთს ავსებენ. ვერ წარმომიდგენია მათი ცალ-ცალკე არსებობა. პირადად ვიცნობ თითოეულ მეშახტეს, ისინი ძალიან ძვირფასი და პატივსაცემი ადამიანები არიან, მათ შრომაზე და მოკიდებული რეგიონის განვითარება. მინდა მათ უსაფრთხო შრომა, ჯანმრთელობა, მხნეობა ვუსურვო. მეამაყება, რომ ერთი გუნდის წევრები ვართ და იმედი მაქვს, კიდევ მრავალი წელი შევძლებთ რეგიონისთვის სასიკეთო საქმეების განხორციელებას.“



ვის და ქალაქისთვის, ამ კომპანიაზე დამოკიდებული ტყიბულის განვითარება. სწორედ „საქნახშირია“



# „ვეფხისტყაოსნის“ საჯაროდ კითხვის დღე ტყიბულის მუნიციპალურ თეატრში



საქმეში შეტანილი წვლილისათვის, ანრო ცირევიძე და ნათელა დოლონაძე ტყიბულის მუნიციპალიტეტის მერმა, დავით ჩერქეზიშვილმა ფულადი საჩუქრით, 1000-1000 ლარით დააჯილდოვა.

დამატებით 1000-1000 ლარით ქალბატონები აღმოსავლეთ ევროპის უნივერსიტეტისგან დაჯილდოვდნენ, მათ ფულადი საჩუქრები უნივერსიტეტის წარმომადგენელმა, მარიამ ლიკლიკაძემ გადასცა.

ალსანიშნავია, რომ გერმანული ენის ფილოლოგი, დამსახურებული პედაგოგი, ტყიბულის საპატიო მოქალაქე ანრო ცირევიძე „ვეფხისტყაოსნის“ გეპირად მცოდნეთა კონკურსებში ექვსგზის გამარჯვებულია, ხოლო ნათელა დოლონაძე სამცხე-ჯავახეთში გამართული „ვეფხისტყაოსნის“ კონკურსის

III საპატიო ადგილის მფლობელი. მან პოემა მეუღლის დახმარებით 60 წლის ასაკში ისწავლა. გარდა ამისა, ტყიბულის მერის გადაწყვეტილებით, მსოფლიო ლიტერატურის შედეგის „ვეფხისტყაოსნის“ გეპირად კითხვის ტრადიციის გაგრძელების მიზნით, იმ პირებისთვის, ვინც პოემას გეპირად ისწავლის 2000 ლარიანი პრიზი დაწესდა.

ლონისძიებებს იმერეთში სახელმწიფო რწმუნებულის მოადგილე ლევან კიკნაველიძე, ტყიბულის მაჟორიტარი დეპუტატი ბუჟან ნაქაძე, საკრებულოს თავმჯდომარე იოსებ რობაქიძე, პროფესორი, ისტორიის მეცნიერებათა დოქტორი სერგო ვარდოსანიძე, საქართველოს



რუსთაველის საზოგადოების ქუთაისის ორგანიზაციის თავმჯდომარე მერაბ კვიციანიძე, ადგილობრივი თვითმმართველობის წარმომადგენლები და სხვა მონაწილეები სტუმრები ეხსენებოდნენ.

ემოციებით დატვირთულ საღამოში, „ვეფხისტყაოსნის“ გეპირად მცოდნე ორი ტყიბულელი ქალბატონი, ანრო ცირევიძე და ნათელა დოლონაძე მონაწილეობდნენ. მათ პოემიდან საყვარელი ეპიზოდები და შემთხვევით შერჩეული თავები გეპირად ნაიკითხეს.

„ვეფხისტყაოსნის“ გეპირად ცოდნის ტრადიციის გაგრძელებისა და კულტურული მემკვიდრეობის შენარჩუნების

# ინტელექტის ოლიმპიადაში 400-მდე მოსწავლემ მიიღო მონაწილეობა!



დაჯილდოების ცერემონია იმერეთში სახელმწიფო რწმუნებულის, ზვიად შალამბერიძე, ტყიბულის მუნიციპალიტეტის მერი, დავით ჩერქეზიშვილი და ქუთაისის მერი, იოსებ ხახალაიშვილი დაესწრნენ.

ინტელექტის ოლიმპიადაში 7 მუნიციპალიტეტიდან 400-მდე მოსწავლე მონაწილეობდა, მათგან ფინალურ ეტაპზე 3 გამარჯვებული გამოვლინდა. იმერეთის ინტელექტის ოლიმპიადის გამარჯვებული გახდა - ბექა ბარათაშვილი, ჭიათურის 1-ელი საჯარო სკოლის მოსწავლე. გამარჯვებულ მოსწავლეებს აღმოსავლეთ ევროპის უნივერსიტეტისგან სპეციალური პრიზები და დიპლომები გადაეცათ.

ტყიბულის მუნიციპალიტეტის მასშტაბით, ინტელექტის ოლიმპიადის გამარჯვებულ მოსწავლეებს კი, მუნიციპალიტეტის მერიამ დამატებითი პრიზები დაუწესა. დავით ჩერქეზიშვილმა, I, II და III ადგილებზე გასულ მოსწავლეებს: ნიკოლოზ ოდიკაძეს, მარიამ ჩიხრაძეს და თათია გაბუნიას შესაბამის სიგელებთან ერთად ფულადი ჯილდო გადასცა.

აღნიშნული ოლიმპიადის მთავარი მიზანია, აბიტურენტებს დაეხმაროს საკუთარი ინტელექტუალური უნარ-ჩვევების გაზომვაში, ასევე მოახდინოს ნიჭიერი მოსწავლეების მხარდაჭერა და მათი წახალისება.

# ტყიბულში „გალფ ექსპრესის“ ავტოგასამართი სადგური გაიხსნა

ბიზნესსექტორის კიდევ ერთი სიახლე ტყიბულში - ამჯერად ქალაქში „გალფ ექსპრესის“ ავტოგასამართი სადგური გაიხსნა, რომელსაც ადგილობრივი ხელისუფლებისა და კომპანია „გალფის“ წარმომადგენლები ესწრებოდნენ.

„გალფ ექსპრესი“ გალფის ბრენდის ქვეშ არსებული ავტომატიზირებული, თვითმომსახურების სადგურების ქსელია, სადაც მომ-

მარებელს შესაძლებლობა აქვს 24 საათიან რეჟიმში, თანამედროვე ტექნოლოგიების გამოყენებით მიიღოს მაღალი ხარისხის მომსახურება, ისარგებლოს ექსპრეს სერვისებით და ქსელში მოქმედი პრომო აქციებით.

ავტოგასამართ სადგურზე თანამედროვე ტიპის სწრაფი კვების სივრცეც ფუნქციონირებს, რომელიც მომხმარებლებს ყოველდღიურად მოემსახურება.



# სტიქიის სალიკვიდაციო ღონისძიებები ტყიბულის მუნიციპალიტეტში



ღონისძიებები მყისიერად დაიწყო და მასში, შესაბამის სამსახურებთან ერთად, ადგილობრივი თვითმმართველობის წარმომადგენლები ჩაერთნენ.

ტყიბულის მუნიციპალიტეტის მერი, დავით ჩერქეზიშვილი არსებულ ვითარებას ადგილზე გაეცნო. ის სოფელ კურსებშიც იმყოფებოდა, სადაც კალაპოტიდან გადმოსულმა წყალმა იქ არსებული ქვის საწარმოს

მიმდებარე ტერიტორია დატბორა. საწარმოში ოთხი ადამიანი იმყოფებოდა, ყველა მათგანი მაშველებმა უსაფრთხო ადგილას უვნებლად გამოიყვანეს.

ძლიერი წვიმის შედეგად ქალაქის შემოსასვლელში დაიტბორა ცენტრალური ქუჩა, ასევე ეზოები და სარდაფები, ხოლო ტყიბული-ორპირის საავტომობილო გზის მონაკვეთზე, სოფელ ჭყეპში ხეები ნაიქცა, რამაც მოძრაობის შეფერხება გამოიწვია. სპეციალური ტექნიკით ადგილზე დაუყოვნებლივ იქნა მობილიზებული ტყიბულის მუნიციპალიტეტის კომუნალური გაერთიანება, საგანგებო სიტუაციების მართვის სამსახური, ჩატარდა განმედიითი სამუშაოები და ოპერატიულად მოხდა მოძრაობის აღდგენა.

სტიქიამ მუნიციპალიტეტში სხვა პრობლემებიც შექმნა. დაზიანდა შიდა სასოფლო გზები, ბოგირები, სახიდე გადასასვლელები, დაიტბორა რამდენიმე საცხოვრებელი სახლის პირველი სართული და მიწის ნაკვეთები. რამდენიმე ლოკაციაზე მუნიციპალიტეტის მერი პირადად იმყოფებოდა, მან დაზარალებულ ოჯახები მოინახულა და მათ საჭირო დახმარება შესთავაზა.

მუნიციპალიტეტისთვის მიყენებულ ზარალს სპეციალური კომისია სწავლობს. შექმნილია სტიქიის შედეგებზე რეაგირების შტაბი და მიმდინარეობს მიყენებული ზარალის დეტალური აღრიცხვა.





ქუთაისში დასაქმების ფორუმი გაიმართა, სადაც სამუშაოს მაძიებლებს შესაძლებლობა ჰქონდათ შეხვედროდნენ 50-მდე პოტენციურ დამსაქმებელს, ესაუბრათ სასურველი ვაკანსიების შესახებ და წარმოეჩინათ საკუთარი უნარები პირისპირ კომუნიკაციის გზით.

## დასაქმების ფორუმი აკაკი წერეთლის სახელობის სახელმწიფო უნივერსიტეტში

იმერეთში სახელმწიფო რწმუნებულმა, ზვიად შალამბერიძემ სიტყვით გამოსვლისას აღნიშნა, რომ დაინტერესებული პირებისთვის ფორუმი საუკეთესო საშუალებაა, რადგან მათ დასაქმების რეალური შანსი ეძლევათ. ასევე, ისაუბრა სოციალურად დაუცველი პირების დასაქმების მასშტაბურ პროგრამაზე, რომელიც სოციალური შემწეობის მიმღები, შრომისუნარიანი პირების დასაქმებას ისახავს მიზნად.

ლონისძიების პირველი ნაწილის მიზანი

იყო იმერეთის რეგიონის ადმინისტრაციულ ერთეულზე ოპერირებულ დამსაქმებლებთან სააგენტოს საქმიანობის შესახებ ცნობადობის ამაღლება, შრომის ბაზარზე არსებული გამოწვევების, სექტორთა შორის თანამშრომლობის როლის და დასაქმების შესაძლებლობების გაზრდა და გაუმჯობესება საქართველოს რეგიონებში. ხოლო მეორე ნაწილის მიზანს იმერეთის რეგიონში მცხოვრები სამუშაოს მაძიებლების დასაქმებისა და სტაჟირების ხელშეწყობა წარმოადგენდა.



## ტყიბულის მუნიციპალიტეტის თეატრი „თეატრალური იმერეთი 2022“-ის ბრანკრის მფლობელი გახდა!



ერთმოქმედებიანი პიესა „ქალაქი“ საერთაშორისო ფესტივალის გრანპრის მფლობელი გახდა. ახალგაზრდა რეჟისორმა, ქეთევან სამხარაძემ პიესა გურამ დოჩანაშვილის შემოქმედების მიხედვით დადგა.

ფესტივალის საზეიმო დახურვას იმერეთში სახელმწიფო რწმუნებულის მოადგილე ლევან კიკნაველიძე მუნიციპალიტეტის მერებთან ერთად დაესწრო. ქუთაისის ლადო მესხიშვილის სახელობის პროფესიულ დრამატულ თეატრში გამართულ ღონისძიებაზე სხვადასხვა ნომინაციაში გამარჯვებულები გამოვლინდნენ. სპექტაკლები და მსახიობები პროფესიულმა ჟიურმა შეაფასა.

ფესტივალის ფარგლებში მოქმედი პროფესიული თუ სახალხო თეატრების მიერ წარმოდგენილი იყო 17 სპექტაკ-

ლი. წელს, ფესტივალზე რეგიონის თეატრალური დასების მიერ წარმოდგენილი იყო განსხვავებული ჟანრისა და შინაარსის სპექტაკლები. ასევე, მაყურებელმა ნახა ყაზახეთის თეატრისა და თბილისის ახალგაზრდული თეატრის წარმოდგენები.



პროექტს უკვე მეცამეტე წელია იმერეთში სახელმწიფო რწმუნებულის ადმინისტრაცია და იმერეთის თეატრალური საზოგადოება ერთობლივად ახორციელებს. ასევე, ფესტივალის მხარდამჭერია რეგიონის 12-ვე მუნიციპალიტეტი და საქართველოს კულტურის, სპორტისა და ახალგაზრდობის სამინისტრო.

## ქუთაისს 10 ახალი M2 კატეგორიის მიკროავტობუსი დაემატა

ქუთაისის მუნიციპალიტეტის მერიამ, საქართველოს რეგიონული განვითარებისა და ინფრასტრუქტურის სამინისტროსთან ერთად, 10 ახალი მიკროავტობუსი წარადგინა.

„იმერეთში და კერძოდ ქუთაისში, საპილოტე რეგიონების ინტეგრირებული განვითარების პროექტის ფარგლებში, კიდევ ერთი ძალიან საინტერესო პროექტი განხორციელდა. ევროკავშირის დაფინანსებით ქუთაისს 10 ახალი მიკროავტობუსი მიიღო, რომელიც ქალაქს მოემსახურება და გასულ წელს შემოყვანილ 60 ავტობუსთან ერთად მთლიანად მოხდება სატრანსპორტო მიმართულების ათვისება. ასევე, მიზნად დავაძრავთ, რომ წელს, იმერეთის რეგიონში, ამ პროექტის ფარგლებში ხორციელდება 69 მილიონი ლარის სამუშაოები, რომელიც, რა თქმა უნდა, წლის ბოლოსთვის დასრულდება და ბევრ ასეთ საინტერესო პროექტს მიიღებს ჩვენი რეგიონი“ - განაცხადა ზვიად შალამბერიძემ.

მიკროავტობუსები იმორჩავენ ქუთაისის რთული რელიეფის მქონე ქუჩებში (გორა, სადგურ რიონის დასახლება, საფიჩხია, გუმათი, შ. გამსახურდიას ქუჩა, ავტო-

ქარხნის მარჯვენა დასახლება), განსაზღვრული სვლა-გზებით.

მიკროავტობუსები შეძენილი იქნა ევროკავშირის ფინანსური მხარდაჭერით, საქართველოს საპილოტე რეგიონების ინტეგრირებული განვითარების პროგრამის ფარგლებში, რომელთა ჯამური ღირებულებაა 1 449 380 ლარი.

ქუთაისის სატრანსპორტო კომპანიის მფლობელობაში უკვე არის 60 „ევრო 5“-ის ტიპის ავტობუსი, რომელთა შეძენა მუნიციპალიტეტისთვის საქალაქო ტრანსპორტის განვითარების პროგრამის ფარგლებში, ევროპის რეკონსტრუქციისა და განვითარების ბანკის (EBRD) ფინანსური მხარდაჭერით განხორციელდა.

მუნიციპალური ტრანსპორტი ადაპტირებულია შეზღუდული შესაძლებლობის მქონე პირებისთვის. გარდა ამისა,



ყველა ავტობუსში დამონტაჟებულია გადახდის აპარატი. ასევე, სატრანსპორტო პოლიტიკის ფარგლებში იგეგმება გაჩერებებზე დამონტაჟდეს 109 ერთეული საინფორმაციო ტაბლო.

მუნიციპალურ ტრანსპორტში უფასო და შეღავათიანი მგზავრობის უფლებით სარგებლობს 30 000 მოქალაქე. ახალი თანამედროვე სტანდარტების ავტობუსებისა და მიკროავტობუსების შეძენით ქალაქმა განავითარა მუნიციპალური ტრანსპორტის სექტორი, ხოლო მოსახლეობა სარგებლობს თანამედროვე, კომფორტული და რაც მთავარია, გარემოსთვის უვნებელი ავტობუსებით.

## სახელმწიფო პროგრამა „ქართული ჩაი“ - 6 სასოფლო-სამეურნეო კოოპერატივს თანამედროვე ტექნიკა გადაეცა



პროგრამის „ქართული ჩაი“ ფარგლებში, იმერეთისა და გურიის რეგიონში მოქმედ 6 სასოფლო-სამეურნეო კოოპერატივს ჩაის წარმოებისათვის საჭირო დანადგარები, ჩაის საღნობი, საგრეხი როლერი და საშრობი კარადა გადასცეს, სახელმწიფო თანადაფინანსება 329,460 ლარით.

პროგრამის ფარგლებში, ჩაის წარმოებისთვის საჭირო 643 000 ლირებულების დანადგარები, ჯამში 14 სასოფლო-სამეურნეო კოოპერატივს გადაეცა.

სახელმწიფო პროგრამის „ქართული ჩაი“ ფარგლებში აღნიშნულმა ბენეფიციარებმა სახელმწიფოს ფინანსური მხარდაჭერით, 210 ჰა-ზე იჯარით და საკუთრებაში არსებული ჩაის პლანტაციების რეაბილიტაცია მოახდინეს,

რისთვისაც სახელმწიფოსგან, თანადაფინანსების სახით 375 000 ლარზე მეტი მიიღეს.

საქართველოს მასშტაბით, პროგრამაში „ქართული ჩაი“ 53 ბენეფიციარია ჩართული. სარეაბილიტაციო პლანტაციების ჯამური ფართობი 1,670 ჰექტარს შეადგენს, ჯამური ინვესტიცია 4,862,629 ლარია, საიდანაც 3,383,081 ლარი სახელმწიფო თანადაფინანსებაა.

პროგრამა „ქართული ჩაი“ 2016 წლიდან ხორციელდება და მისი მიზანია საქართველოში არსებული ჩაის პლანტაციების პოტენციალის ეფექტიანი გამოყენება, ადგილობრივი ჩაის (მათ შორის, ბიოჩაის) წარმოების ზრდის ხელშეწყობა, თვითმზრუნველყოფის დონის ამაღლება და საექსპორტო პოტენციალის გაზრდა.



# „საქნახშირში“ მინი ფეხბურთის შიდა ჩემპიონატი მიმდინარეობს!



„საქნახშირის“ მეშახტეებს შორის ფეხბურთის შიდა ჩემპიონატი დაიწყო, რომელშიც 10 საფეხბურთო გუნდი და 120-მდე მეშახტე იღებს მონაწილეობას.

შეჯიბრი გუნდებს შორის სპეციალურად შედგენილი განრიგის მიხედვით, ქალაქის ცენტრში მდებარე მინი სტადიონზე იმართება. მონაწილეობენ ცენტრალური გამამდიდრებელი ფაბრიკის, საშახტო ანვეის, მზადების უბნის, ადმინისტრაციის, გზის მოხელეების, მოძრაობის უბნის, „ძიძიგურის შახტის,“ ასევე, პირველი, მეორე და მეექვსე მომპოვებელი უბნების თანამშრომლები.

ფინალური მატჩი 27 აგვისტოს გაიმართება. გამგზავნილება პირველ, მეორე და მესამე ადგილზე გასული გუნდები, ასევე, დასახელდება საუკეთესო მოთამაშე და საუკეთესო მეკარე. გამარჯვებულებს „საქნახშირი“ სპეციალურ პრიზებს გადასცემს.



# თოჯინების თეატრის სპექტაკლი კატარაბისტვის

28 ივნისს, ტყიბულის მოსწავლე-ახალგაზრდობის სასახლეში, თოჯინების თეატრის წარმოდგენა მოეწყო. „კატა წვიპიტო და გულადი თაგუნა“ - ასე ერქვა სპექტაკლს, რომელიც ტყიბულის მოსწავლე-ახალგაზრდობის სასახლის ორგანიზებით, სპეციალურად მეშახტეების შვილებისთვის გაიმართა.



# ტყიბულში ახალი კვების ობიექტი გაიხსნა

ტყიბულის ცენტრში, ყოფილი სასტუმროს შენობაში, თანამედროვე სტანდარტების შესაბამისი კვების ობიექტი გაიხსნა. სასადილო მომხმარებელს სთავაზობს როგორც ქართულ, ისე უკრაინულ კერძებს და უგემრიელეს საკონდიტრო ნაწარმს. კვების ობიექტზე ამჟამად 20 ადგილობრივია დასაქმებული.





## ჩვენი მეშახტეები ტყიბულის ჭადრაკის ტურნირის გამარჯვებულები არიან!

მოყვარულ მოჭადრაკეთა შორის ჩემპიონატი ორი დღის განმავლობაში, შვეიცარული მეთოდით მიმდინარეობდა. ლონისძიება ტყიბულის მუნიციპალიტეტის მერიის მხარდაჭერით, სპორტული ცენტრისა და ტყიბულის ჭადრაკის ფედერაციის ორგანიზებით გაიმართა. მასში სხვადასხვა ორგანიზაციის სამ-სამი მოთამაშით დაკომპლექტებული 13 გუნდი ასპარეზობდა.

„საქნახშირის“ გუნდები ჩემპიონატის გამარჯვებულები და მეორე საპრიზო ადგილის მფლობელები გახდნენ. მესამე ადგილი კულტურის ობიექტების გაერთიანების წარმომადგენლებმა მოიპოვეს.

გამარჯვებულები ტყიბულის ჭადრაკის ფედერაციის პრეზიდენტმა, „საქნახშირის“ დირექტორთა საბჭოს თავმჯდომარემ, მიხაილ სოცკიმ და მუნიციპალიტეტის მერმა, დავით ჩერქეზიშვილმა დააჯილდოვეს.

მედლებთან და დიპლომებთან ერთად, სამივე გუნდის თითოეულმა წევრმა ფულადი პრიზი მიიღო.

ჩემპიონატს მუნიციპალური თეატრის ვერცხლის დარბაზმა უმასპინძლა.



## მეშახტეებს შორის ნარდის ყოველწლიური ჩემპიონატი გაიმართა!



25 ივნისს, „საქნახშირის“ ორგანიზებით ნარდის ჩემპიონატი გაიმართა. შეჯიბრში 62 მეშახტე იღებდა მონაწილეობას. გამარჯვებულები „საქნახშირის“ დირექტორთა საბჭოს თავმჯდომარემ, მიხაილ სოცკიმ სამახსოვრო სიგელებითა და ფულადი პრიზებით დააჯილდოვა.

- I ადგილი გაგა ისაკაძემ დაიკავა
- II ადგილზე ლაშა დეისაძე გავიდა
- III ადგილის მფლობელი კი მანუჩარ სახელაშვილი გახდა

## ტყიბულის კუნგ-ფუს სკოლა - ადგილი, სადაც ჩემპიონები იზრდებიან!



კუნგ-ფუს სკოლა ტყიბულში 30 წელზე მეტია წარმატებით ფუნქციონირებს და ხელს უწყობს ახალგაზრდა თაობაში ჯანსაღი ცხოვრების წესის პოპულარიზაციას. სპორტსმენების აღზრდაზე საქართველოს კუნგ-ფუს ეროვნული ფედერაციის პრეზიდენტი და ტყიბულის კუნგ-ფუს სკოლის ხელმძღვანელი, ოლეგ ფანჩულიძე ზრუნავს. ბატონი ოლეგი თავადაც არაერთი საერთაშორისო ტურნირის გამარჯვებულია და მომავალი ჩემპიონების აღსაზრდელად ძალ-ღონეს არ იშურებს.

**ოლეგ ფანჩულიძე:** „კუნგ-ფუს სკოლა ტყიბულში 1989 წელს, გელა გიორგაძემ დააარსა. მისი დაღუპვის შემდეგ სკოლას მე ვხელმძღვანელობ. არაერთ



ტურნირში მივიღეთ მონაწილეობა, როგორც საქართველოში, ისე მის საზღვრებს გარეთ და უმეტესად გამარჯვებულები ვბრუნდებით. ჩვენი სკოლა ჩვიდმეტჯერ გახდა საქართველოს ჩემპიონი გუნდურ ჩათვლაში, თოთხმეტჯერ კი საქართველოს თასის მფლობელი. ჩვენი სპორტსმენებიდან 2 მსოფლიო ჩემპიონია, 21 კი ევრაზიის ჩემპიონი.

ჩვენთან აქტიურად ვარჯიშობენ გოგონებიც. ბავშვები იღებენ ტურნირებში მონაწილეობის გამოცდილებას და ყალიბდებიან ღირსეულ ადამიანებად.

არ შემიძლია არ აღვნიშნო „საქნახშირის“ დიდი წვლილი ჩვენი სკოლის არსებობაში. უდიდესი მხარდაჭერა გვაქვს ამ კომპანიის ხელმძღვანელობის მხრიდან. ეს სპორტული დარბაზი „საქნახშირის“ ეკუთვნის. ის, რომ გვაქვს საშუალება ასეთ კარგ პირობებში ვივარჯიშოთ, სწორედ ამ კომპანიის დამსახურებაა. „საქნახშირისა“ და „ტყიბულის მუნიციპალიტეტის სპორტული ცენტრის“ თანადგომით მჯერა, რომ უფრო დიდ წარმატებას მივაღწევთ. გარდა ამისა, აღსანიშნავი და დასაფასებელია კომპანიის როლი რეგიონის განვითარებაში - მუნიციპალიტეტში ძირითადი დასაქმების ადგილი „საქნახშირია“, ის ზრუნავს ტყიბულის განვითარებაზე და მოსახლეობის კეთილდღეობაზე.“





ჩვენ ერთად ვუბნით  
უსაფრთხო სამუშაო გარემოს



“ მუშაობის დაწყებამდე  
შეამოწმე სამუშაო ადგილი  
და დარწმუნდი, რომ შენი  
სამუშაო გარემო უსაფრთხოა.

ეს თითოეული ჩვენგანის  
პრიორიტეტი უნდა იყოს და  
უნდა გვახსოვდეს,  
რომ ოჯახში გველოდებიან!

”



ზურა ბიორგაძე

საშახტო ტრანსპორტის  
უბნის მინისტრის ელმავლის მემენტანე



მეშახტე  
N360სი | 2022 | №18

სარედაქციო საბჭო:  
გვანცა დელიბაშვილი, გიორგი სულაძე, გაგა ისაკაძე,  
ირაკლი კირკიტაძე, ონისე საპანაძე, ბექა ამოთია,  
კახა ჩიქობავა, სვიჩა გაბუნია.  
მისამართი: ტყიბული, თაბუკაშვილის 13

კორპორატიული ვაშოუშეა

[www.facebook.com/saknakshiri](https://www.facebook.com/saknakshiri)